

genpferden. Nachdem nū durch d̄s ganze Landt dē 19 vnd 20. desselben Monats ein Fast vnd Bettag gehalten worden/ist d̄s ganze Läger auff zwey Brückē vber den Walstrom nach Newmegen / von dannen nach Rock gezogen/allda S. Excellenz als general Feldtoberser ein theil des Volcks den 21. vber die Maßgeschick / vnd nach dem er dieselbige Nacht daselbste geruhet / hat er des andern tags nemlich den 22. mit den vbrigen auch vber dē Strom gesetzt ohn einigen verhinderūg des Feinds/vn sich des Nachts zu klein Linden gelegert / fürhabens den Feindt das new Kriegsvolck / so auß Italien kommen war / in seinem eingnen Nest zu besuchen / vnd ihme ein Schlacht zu lieferē / vn also durch dieses Mittel nach verhofften Sieg / die Statt Ostende / die nun mehr dan 11. Monat lang belägert war / zu ensetzen : oder aber zum wenigsten den hochmut des Feinds / als der da vermeyntlich nichts anders wunschte dann daß er S. Excellencie widerumb auff seinem bodem begegnen / vnd wegen der Niderlag vor Newport sich rechnen mochte: vnd hernach etwas anders nach gelegenheit der sachen / zu des lands dienst vnd wolffahrt fürzunemen.

Nachdem nun das ganze Läger in Brabant angelangt / haben die Staden der Vereinigten Niderlanden ein Schreiben außgehn lassen / noch folgenden Inhalts.

Nach dem die General Staden der Vereinigten Niderlandē / bey sich beschlossen vn fürgenomen / mit der hilff Gottes / auch bey stand etlicher Potentaten vnd Fürsten / damit sie sich verbundē / in diesem Jahr ernstlich zu befördern den wolstand der gemeinen Niderlanden / vnd die erlösung von der Spanier vnd ver adhærenten gewalt vnd Tyrannen: vnd den eine

Ap 4 noht

Inhalt des
Patentes.